




Broj: 03/7-01,02-02-1-649/24

Sarajevo, 26. 3. 2024.

Parlamentarna skupština BiH  
Kolegij Predstavničkog doma  
Ustavnopravna komisija Predstavničkog doma



PRIMLJENO: 26-03-2024		16:05	
Organizaciona jedinica	Klasifikaciona oznaka	Redni broj	Broj prijave
01,02-02-1-		649/24	

Predmet: Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine - *Mišljenje*, dostavlja se  
*Veza akt broj: 01,02-02-1-649/24 od 25. 3. 2024.*

Zakonodavno-pravnom sektoru dostavljen je *Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine* radi davanja mišljenja o usklađenosti s članom 105. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15, 97/15, 78/19, 26/20 i 53/22) i Jedinstvenim pravilima za izradu pravnih propisa u institucijama BiH („Službeni glasnik BiH“, br. 11/05, 58/14, 60/14, 50/17, 70/17 i 10/21).

Na osnovu člana 106. Poslovnika, Zakonodavno-pravni sektor daje

## MIŠLJENJE

I. Aktom broj: 05-02-1-371-5/23 od 21. 3. 2024. Vijeće ministara BiH dostavilo je Prijedlog zakona o dopunama Zakona o plaćama i drugim naknadama u sudskim i tužilačkim institucijama na nivou Bosne i Hercegovine (u daljnjem tekstu: Prijedlog zakona), uz prijedlog da se razmatra po hitnom postupku.

II. Zakonodavno-pravni sektor razmotrio je Prijedlog zakona te je konstatirano da je podnesen u skladu s članom 105. stav (1) Poslovnika Predstavničkog doma Parlamentarne skupštine BiH (u daljnjem tekstu: Poslovnik), odnosno u pisanoj i elektronskoj formi na jezicima i pismima u službenoj upotrebi u Bosni i Hercegovini.


Prema Mišljenju Direkcije za evropske integracije Bosne i Hercegovine (u daljnjem tekstu: DEIBiH), broj: 03/A-06-2-MV-1328-3/23 od 17. 11. 2023, razlog donošenja predloženog zakona, između ostalog, jeste i taj što važeći zakon nije u skladu s odredbama člana 1. Protokola broj 12 uz Evropsku konvenciju o zaštiti ljudskih prava i osnovnih sloboda i članom 26. Međunarodnog pakta o građanskim i političkim pravima. U Mišljenju Direkcije je još navedeno da su prava iz navedenih članova Konvencije odnosno Protokola garantirana i članom 2. Ugovora o Evropskoj uniji. Nadalje, DEIBiH

je ukazao na Analitički izvještaj uz Mišljenje Evropske komisije o zahtjevu Bosne i Hercegovine za članstvo u Evropskoj uniji, kao i da se Bosna i Hercegovina obavezala članom 2. Sporazuma o stabilizaciji i pridruživanju između Evropskih zajednica i njihovih država članica, s jedne strane, i Bosne i Hercegovine, s druge strane, na poštovanje demokratskih principa i ljudskih prava proglašanih u Univerzalnoj deklaraciji o ljudskim pravima, Evropskoj konvenciji o zaštiti ljudskih prava i osnovnih sloboda, kao i Helsinškom završnom aktu i Pariskoj povelji za novu Evropu. U skladu s navedenim, ukazujemo *na postupanje u skladu s članom 105. stav (2) Poslovnika.*

Uz Prijedlog zakona dostavljeno je obrazloženje koje sadrži elemente propisane članom 105. stav (3) Poslovnika, te su priložene i odredbe članova koji se dopunjavaju, kao i verzija prečišćenog teksta Zakona, kako je to propisano članom 105. stav (5) Poslovnika.

Imajući u vidu navedeno, konstatira se da je Prijedlog zakona *usklađen* s članom 105. Poslovnika Predstavničkog doma.

III. U pogledu usklađenosti Prijedloga zakona s Jedinstvenim pravilima za izradu pravnih propisa u institucijama BiH (u daljnjem tekstu: Jedinstvena pravila), konstatira se da Prijedlog zakona strukturom, formom i stilom prati odnosno odražava strukturu, formu i stil važećeg Zakona o plaćama i drugim naknadama u sudskim i tužilačkim institucijama na nivou Bosne i Hercegovine. Također, ukazujemo na član 67. Jedinstvenih pravila.

Rukovodilac  
Zakonodavno-pravnog sektora  
  
Bojan Šehovac

Dostavljeno:

- naslovu
- a/a